



Inatsisartunut ilaasortaq Múte B. Egede, Inuit Ataqtigiit

TNGG pillugu § 37 naapertorlugu apeqqummut nr. 2016-233-imut akissuteqaat

Inatsisartut suleriaasianni § 37, imm. 1 naapertorlugu apeqqutit matuma kingulianiittut Naalakkersuisunut saqqummiuppalit. Tamatuma saniatigut § 37 naapertorlugu apeqqutinut 2015-131-imut aamma 2015-274-imut akissuteqaatit innersuussutigineqarput, tassani apeqqutit ilai siusinnerusukkut akissuteqarfigineqareerlutik.

16. september 2016
Sagsnr. 2016-13613

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: mmr@nanoq.gl
www.naalakkersuisut.gl

1. **True North Gems Greenlandip (TNGG) akiliisinnaajunnaarnerata kingunerisaanik Namminersorlutik Oqartussat aamma Namminersorlutik Oqartussat suliffeqarfiutaat inuiaqatigiit aningaasaataanik qanoq amerlatigisunik annaasaqarpat?**

Akissut:

TNGG-ip akiliisinnaajunnaarnerata kingorna Namminersorlutik Oqartussat aamma Namminersorlutik Oqartussat ingerlatseqatigiiffiutai nalilinnik qanoq annertutigisumik annaasaqarsimanersut, akiliisinnaajunnaarnerup nalunaarutigineqarneranut uiggiullugu, maannakkorpiaq oqaatigineqarsinnaanngilaq. Ingerlatseqatigiiffik taassumalu pigisai il.il. qanoq pineqassanersut, aaqqiissutissat eqqartuussissuserisut ingerlatseqatigiiffiup pigisaannut isumaginnittuusussat toqqagassaat kiisalu pigisat suliarineqarnerisa naammassineranni aningaasaqarnikkut naatsorsuinerit, apeqqutaassapput. Aatsaat taamanikkussami apeqqummi allassimasutut naatsorsuusiornissaq ajornarunnaassaaq.

2. **TNGG-p Aappaluttumi misissuinerminiit ujaqqat pinnerasaasiat qanoq annertutigisut nunatsinniit anninnikuuai qanorlu naleqarpat?**

Akissut:

Canada-mi aamma USA-mi najukkani korund-it silisat 15.365 karat (korund-inut silisanut 3.073 gram-it annertoqqataat), korund-it suliarineqanngitsut 299.797 gram aamma ujaqqat korund-imik akoqartut 1.400 kg uninngasuutigineqarput.

Aamma § 37 naapertorlugu apeqquteqaammut 2015-274-imut akissuteqaammii paasissutissiissutigineqartut, korund-it Canada-mi aamma USA-mi uninngasuutigineqartut nalilersorneqarnerannik suliaqartoqanngilaq, tassami Aatsitassanut oqartussaasoq tunisinissaq sioqqutitsiarlugu aatsaat nalilersuinermik suliaqartarmat.

3. Apeqquut 2-mi apeqquutigineqartut Namminersorlutik Oqartussanit nakkutigineqarpat?

Akissut:

Aap, Aatsitassanut oqartussaasoq Canada-mi ingerlaavartumik takusaalluni nakkutilliisarpoq. Siunnersortinut suliffeqarfik Canadamiunit pigineqartoq suliassamut suliakkerlugu tamanna pigajuttarluni. Pisumi ataatsimi atorfilik Aatsitassanut oqartussaasumeersoq takusaalluni nakkutilliinermi peqataavoq.

4. Pinnerasaasiassat misileraatitut nunatsinniit annissuunneqarnikut suliffeqarfimmit akiliisinnaajunnaartumiit tunisaqassutigineqarnikuuppat?

Akissut:

Naamik. Tunineqanngillat. Tunisinissaq sioqqullugu TNGG Aatsitassanut oqartussaasumut akuersissuteqarfigineqartussanngorlugu tunisinissamut pilersaarummik nassiussisussaavoq. Tunisinissamut pilersaarummik TNGG-ip piiaanissamut matusinissamullu pilersaarutaani atugassarititaasut arlallit naammassineqartussaapput. Tunisinissamut pilersaarut Aatsitassanut oqartussaasumit suli tiguneqanngilaq, taamaattumik tunisinissamut TNGG akuersissummik tunineqarsimanani.

5. Pinnerasaasiassat misileraatitut nunatsinniit annissuunneqarnikut suliffeqarfiup akiliisinnaajunnaarnerata kingorna qanoq pineqassappat? Namminersorlutik Oqartussanit utertinneqarnissaannik piunasaqartoqassava?

Akissut:

Aatsitassanut Ikummatissanullu Naalakkersuisoqarfik Canada-mi True North Gems Inc.-imut saaffiginnippoq. Saaffiginnissummi True North Gems Inc.-imut aammaloortumik paasissutissiissutigineqarpoq, ingerlatseqatigiiffiup aatsitassat atorsinnaanngikkai, ilanngullugu tunisinnaanngikkai. Taamatuttaaq akiliisinnaajunnaarnermik nalunaaruteqarnerup tunniunneqarneranut atatillugu, aatsitassat sapinngisamik piaartumik uterteqqullugit ingerlatseqatigiiffik ilitsersorneqarpoq, tassani ilaalluni isumannaatsumik angallassinerup isumagineqarnissaa. Maannakkorpiaq TNGG akiliisinnaajunnaartutut suliaqarfigineqarnerani, misissugassat tunngaviusumik eqqartuussissuserisup pigisanik isumaginnittuusussap paarisarai.

6. TNGG-p akiliisinnaajunnaarnermini Aappaluttumi ujaqqanik pinnerasaasiassanik piianissaminut akuersissutaa qanoq pineqassava?

Akissut:

Piiaanissamut akuersissutip kiisalu aatsitassarsiorluni misissuinissamut akuersissutit pingasut aamma misissueqqaarnissamut akuersissutip ataatsip allamut tunniunneqarsinnaanerat, qinnuteqaat aalajangersimasooq tunngavigalugu Naalakkersuisunit akuersissuteqarfigineqartussaassaaq. Akiliisinnaajunnaartup pigisaannut eqqartuussissuserisumit isumaginnittuusumit qinnuteqaammik taamaattumik Naalakkersuisut sulitigusaqanngillat.

Suleriaatsinut nalinginnaasunut naapertuuttumik Aatsitassanut Ikummatissanullu Naalakkersuisoqarfiup Aatsitassanut Ikummatissanullu Aqutsisoqarfik peqatigalugu akiliisinnaajunnaartup pigisaannut eqqartuussissuserisooq isumaginnittuusooq oqaloqatigalugu aallartippoq. Suliassap ingerlateqqinneqarsinnaanissaanut, akuersissutit ingerlateqatigiiffimmut nutaamut tunniunneqarsinnaanersut misissorneqarnissaa siunertaralugu, oqaloqatigiinnerit maannakkorpiaq ingerlanneqarput.

7. TNGG-p Aappaluttumi pilaasinnaanerminut akuersissut pigisaa suliffeqarfiup akiliisinnaajunnaanerata kingorna nunaqavissunut ingerlatassanngorlugu tunniunneqarnissaa Naalakkersuisut pilersaarutigivaat?

Akissut:

Maannamuugallartoq eqqartuussissuserisuni isumaginnittuusuni suliaqarnerit ingerlaqqinnerat Naalakkersuisut utaqqisariaqarfaat. TNGG-imik imaluunniit TNGG-ip maannakkut akuersissutinut pigisaannut piginnittuulertussaajunnartut nutaat, taakkua Aatsitassanut ikummatissanullu inatsimmi § 16, imm. 3 naapertorlugu akuersissutit ingerlateqqinnissaannut aningaasaqarnikkut pisariaqartumik pisinnaassuseqarneq aammalu teknikkikkut ilisimasaqartuuneq, uppersartussaavaat.

Piiaanissamut akuersissummik aamma/imaluunniit TNGG-ip aatsitassarsiorluni misissuinissamut akuersissutaataannik ataatsimik arlalinnilluunniit tiguisinnaasunik imaluunniit tiguserusuttunik aningaasaliisussaqaanngitsooq, eqqartuussissuserisut isumaginnittuusut suliaqarnerisa inernerippassuk, taakkua utertinneqassapput. Aatsitassarsiorluni misissuinissamut akuersissutit utertinneqartut taakkua, tamatuma kingorna pigineqarunnaassapput, aammalu sumiiffiit tamatuma kingorna allanit, ilanngullugit nunaqavissut, qinnuteqarfigineqarsinnaalissallutik. TNGG imaluunniit piiaanissamut akuersissut allanit pisiarinqarsinnaanngippata imaluunniit pisiarinqarusunngippata, illuutit il.il. peerneqassapput, aammalu sumiiffik sapinngisamik ilusiatut iluseqaqqilersillugu iluarsineqassalluni. Piffissami tassani sumiiffiup nutaanik qinnuteqaateqarfigineqarnissaa matoqqatinneqarpoq.

8. Apeqqut 7-mut akissut naamiuppat tamanna sumik tunngaveqarpa?

Akissut:

Takuuk apeqqummut 7-imut akissuteqaat.

9. TNGG ujaqqanik pinnersaasiassanik piiaanissamut misissueqqissaarnissamulluunniit Aappaluttumi akuersissutaatimi saniatigut allanik peqarpa? Apeqqummut akissut aappiuppat, akuersissutit taakku qanoq pineqassappat?

Akissut:

Aap. TNGG-ip Aappaluttup eqqaani piiaanissamut akuersissutip saniatigut, misissueqqaarnissamut akuersissut 2016/18, kiisalu aatsitassarsiorluni misissuinissamut akuersissutit 2008/01, 2008/46 aamma 2014/47, pigai.

Namminersorlutik Oqartussat TNGG-ip imaluunniit akuersissutit ataatsip imaluunniit arlallit nutaanit pigineqalersinnaanerisa oqaluuserineqarnissaa siunertaralugu, eqqartuussissuserisut isumaginnittuusut ingerlaavartumik attaveqarfigissavaat.

Taamaattoqassappat, piginnittunut nutaanut akuersissutit tunniunneqarnerat Naalakkersuisunit akuersissuteqarfigineqartussaassaaq.

Inussiarnersumik inuulluaqqusillunga



Randi Vestergaard Evaldsen